

Fundargerð 916. fundar

stjórnar Sambands íslenskra sveitarfélaga

Árið 2022, miðvikudaginn 14. desember kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Heiða Björg Hilmisdóttir, Einar Þorsteinsson, Hildur Björnsdóttir, Rósa Guðbjartsdóttir, Guðmundur Ari Sigurjónsson, Lilja Björg Ágústsdóttir, Nanný Anna Guðmundsdóttir, Freyr Antonsson, Jón Björn Hákonarson, Margrét Ólöf A. Sanders og Walter Fannar Kristjánsson.

Lilja Björg Ágústsdóttir og Rósa Guðbjartsdóttir tóku þátt í fundinum í gegnum fjarfundarbúnað.

Að auki sátu fundinn Karl Björnsson framkvæmdastjóri og sviðsstjórnarnir Anna G. Björnsdóttir, Guðjón Bragason, Inga Rún Ólafsdóttir, Sigurður Ármann Snævarr og Valur Rafn Halldórsson, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 915. fundar - 2201008SA

Lögð fram til kynningar fundargerð 915. fundar stjórnar sambandsins frá 25. nóvember 2022, sem undirrituð hefur verið með rafrænum hætti.

2. Siðanefnd sambandsins - 2009061SA

Lagðar fram fundargerðir 28. og 29 fundar siðanefndar sambandsins frá 5. september og 4. október 2022. Sviðsstjóri þróunar- og alþjóðasviðs sambandsins, sem situr í siðanefnd, fór yfir helstu atriði fundargerðanna og álit siðanefndar.

3. Verkefnisstjórn fyrir hagsmunagæslu í úrgangsmálum - 2210013SA

Lögð fram fundargerð 78. fundar verkefnisstjórnar fyrir hagsmunagæslu í úrgangsmálum frá 28. nóvember 2022. Varðandi 3. lið fundargerðarinnar, vakti sviðsstjóri lögfræði- og velferðarsviðs athygli stjórnar á því að skýrsla starfshóps um fyrirkomulag framleiðendaábyrgðar var birt 30. nóvember sl.

4. Skipulagsmálanefnd sambandsins - 2210012SA

Lagðar fram fundargerðir 45. og 46. fundar skipulagsmálanefndar sambandsins frá 10. júní og 30. nóvember 2022, ásamt minnisblaði, dags. 26. nóvember 2022, vegna 2. liðar í fundargerð skipulagsmálanefndar frá 30. nóvember sl.

5. Stafrænt ráð sveitarfélaga - 2009664SA

Lögð fram fundargerð 14. og 15. fundar stafræns ráðs sveitarfélaga frá 26. október og 7. desember 2022.

6. Fjárhagsáætlanir sveitarfélaga 2023 - 2206017SA

Lagt fram minnisblað sviðsstjóra hag- og upplýsingasviðs sambandsins, dags. 12. desember 2022, um fjárhagsáætlanir sveitarfélaga 2023 en sviðsstjórinn fór jafnframt ítarlega yfir minnisblaðið á fundinum.

7. Mat á árangri á starfsáætlun sambandsins 2022 - 2111026SA

Lagt fram mat á árangri á starfsáætlun sambandsins fyrir árið 2022. Framkvæmdastjóri fór yfir helstu þætti matsins.

8. Starfsáætlun stjórnar sambandsins 2023 - 2212011SA

Lögð fram drög að starfsáætlun stjórnar Sambands íslenskra sveitarfélaga fyrir árið 2023. Framkvæmdastjóri fór yfir helstu þætti áætlunarinnar.

Stjórnin samþykkir fyrirbyggjandi drög að starfsáætlun stjórnar sambandsins fyrir árið 2023. Jafnframt felur stjórn framkvæmdastjóra að boða til landsþings sambandsins sem haldið verður 31. mars 2023.

9. Starfsáætlun sambandsins 2023 - 2212011SA

Lögð fram drög að starfsáætlun Sambands íslenskra sveitarfélaga fyrir árið 2023. Framkvæmdastjóri og sviðsstjórar fóru yfir helstu þætti áætlunarinnar.

Stjórnin samþykkir fyrirbyggjandi drög að starfsáætlun sambandsins ársins 2023.

Hildur Björnsdóttir vék af fundi kl. 14:45.

10. Fjármögnun þjónustu við fatlað fólk - 2205032SA

Framkvæmdastjóri skýrði stöðu málsins. Unnið er að gerð samkomulags milli ríkisins og sambandsins sem kveður á um lækkun tekjuskattsálagningar ríkisins og samsvarandi hækkun álagningahlutfalls útsvars, sem á að skila a.m.k. 5 ma.kr. til sveitarfélaga í gegnum Jöfnunarsjóð sveitarfélaga á næsta ári til að mæta að hluta útgjöldum vegna þjónustu við fatlað fólk. Áfram verður unnið að greiningu á útgjöldum og þróun þeirra í málaflokknum og mótun tillagna um fyrirkomulag framtíðarfjármögnunar þessarar þjónustu. Ljóst er að fyrirhugaðar skattabreytingar kalla m.a. á lagabreytingar um hámarksútsvar og ákvæði um tímasetningu á endanlegum samþykktum og tilkynningum sveitarstjórna um útsvarsálagningu, sem ganga þarf frá fyrir næstu áramót. Því er nauðsynlegt sveitarstjórnir haldi fundi vegna þessa fyrir áramót.

Samþykkt að veita formanni og framkvæmdastjóra sambandsins umboð til að skrifa undir samkomulag við ríkið á grundvelli framangreinds.

11. Staða kjaramála - 2109025SA

Lagt fram sem trúnaðarskjal minnisblað sviðsstjóra kjarasviðs sambandsins um stöðu kjaramála í desember 2022.

12. Sveitarstjórnarmál - framtíðarsýn - 2211006SA

Lagt fram minnisblað ritstjórnar Sveitarstjórnarmála sambandsins, dags. 8. nóvember 2022, um framtíðarsýn Sveitarstjórnarmála.

13. Brunamálasjóður - byggingaöryggisgjald - 2212010SA

Lögð fram bókun bæjarráðs Stykkishólmsbæjar og Helgafellssveitar frá 1. desember 2022, þar sem bæjarráð skorar á innviðaráðherra að koma á fót Brunamálasjóði, sem fjármagnaður væri a.m.k. að hluta af byggingaöryggisgjaldi, með það að markmiði að efla starfsemi minni slökkviliða landsins, þ.m.t. að styðja við uppbyggingu, framkvæmdir og tækjakaup slökkviliða. Einnig lögð fram fyrirspurn Brunavarna Stykkishólms og nágrennis og svar Húsnæðis- og mannvirkjastofnunar, dags. 29. nóvember 2022.

Samþykkt að fela framkvæmdastjóra að vinna að því að byggingaöryggisgjald verði nýtt til að styðja við uppbyggingu, framkvæmdir og tækjakaup slökkviliða.

Lilja Björg Ágústsdóttir vék af fundi kl. 15:05.

14. Samningur um samræmda móttöku flóttafólks 2022-2025 - 2207022SA

Lagt fram minnisblað lögfræði- og velferðarsviðs um stöðuna samningagerðar við sveitarfélög um samræmda móttöku flóttafólks, dags. 12. desember 2022. Einnig lagt fram til kynningar minnisblað lögfræði- og velferðarsviðs sambandsins, sem tekið var fyrir á fundi stjórnar sambandsins 26. ágúst 2022.

Stjórn leggur áherslu á að starfsfólk sambandsins fylgist vel með þróun þessara mála, uppfæri reglulega upplýsingar um stöðu málsins á vef sambandsins og upplýsi stjórnina á næstu fundum.

15. Fundur Policy nefndar CEMR - 2009035SA

Lagt fram minnisblað sviðsstjóra þróunar- og alþjóðasviðs sambandsins, dags. 11. desember 2022, um fund Policy nefndar CEMR í París 5.-6. desember 2022.

16. Fundur EES EFTA Sveitarstjórnarvettvangsins - 2009316SA

Lagt fram minnisblað sviðsstjóra þróunar- og alþjóðasviðs sambandsins og forstöðumanns Evrópuskrifstofu sambandsins, dags. 11. desember 2022, um fund EES EFTA Sveitarstjórnarvettvangsins 1.-2. desember 2022.

17. Tilnefning í íþróttanefnd - 2211023SA

Lagt fram til kynningar bréf sambandsins til mennta- og barnamálaráðuneytisins, dags. 5. desember 2022, þar sem Harpa Þorsteinsdóttir, verkefnisstjóri Lýðheilsamála hjá Reykjavíkurborg, og Magnús Vignir Eðvaldsson, íþróttakennari og sveitarstjórnarfulltrúi í Húnaþingi vestra, eru tilnefnd í íþróttanefnd.

Það þeirra sem ráðherra skipar ekki verður varamaður hins.

18. Tilnefning í starfshóp um endurskoðun fyrirkomulags álagningar og ráðstöfunar skipulagsgjalds - 2211033SA

Lagt fram til kynningar bréf sambandsins til innanríkisráðuneytisins, dags. 6. desember 2022, þar sem Þorsteinn Gunnarsson, borgarritari Reykjavíkurborgar, og Fjóla Steindóra Kristinsdóttir, bæjarstjóri Sveitarfélagsins Árborgar, eru tilnefnd í starfshóp um endurskoðun fyrirkomulags álagningar og ráðstöfunar skipulagsgjalds.

19. **Umsögn um tillögu til þingsályktunar um félagsráðgjöf í grunn- og framhaldsskólum - 2211039SA**
Lögð fram til kynningar umsögn sambandsins til allsherjar- og menntamálanefndar Alþingis, dags. 29. nóvember 2022, um tillögu til þingsályktunar um félagsráðgjöf í grunn- og framhaldsskólum, 113. mál.
20. **Umsögn um frumvarp til breytinga á lögum um menningarminjar - 2208004SA**
Lögð fram til kynningar umsögn sambandsins til allsherjar- og menntamálanefndar Alþingis, dags. 5. desember 2022, um frumvarp til breytinga á lögum um menningarminjar, 429. mál, ásamt fylgiskjali.
21. **Umsögn um frumvarp um framlengingu á NPA - 2212002SA**
Lögð fram til kynningar umsögn sambandsins til velferðarnefndar Alþingis, dags. 6. desember 2022, um frumvarp um breytingu á lögum um þjónustu við fatlað fólk með langvarandi stuðningsþarfir, nr. 38/2018 (framlenging á bráðabirgðaákvæði I), 532. mál.
22. **Brothættar byggðir - ársskýrsla fyrir árið 2021 - 2105040SA**
Lögð fram til kynningar skýrsla Byggðastofnunar um Brothættar byggðir - ársskýrsla fyrir árið 2021.
23. **Sóknaráætlanir landshluta - 2009344SA**
Lögð fram til kynningar greinargerð um Sóknaráætlanir landshluta um framvindu samninga og ráðstöfun fjármuna 2021, dags. í nóvember 2022.

Fundi var slitið kl. 15:15